



香雪

集卷之二十一

詩餘

香雪林主人允明王思義集

西江月

蘇子瞻

玉骨那愁瘴霧冰肌自有仙風海僊肯遣探芳叢倒
挂綠毛么鳳素面翻嬌粉浣洗粧不褪唇紅高情
已逐曉雲空不與梨花同夢

漢宮春

晁叔用

瀟灑江梅向竹梢深處橫兩三枝東君也不愛惜雪

壓風欺無情燕子怕春寒輕失佳期惟是有南來歸
鴈年年長見開肯 清淺小溪如練問玉堂何似茅
舍疎籬傷心故人去後冷落新詩微雲澹月對孤芳
分付他行空自倚清香未減風流不在人知

孤鸞

天然標格是小萼堆紅芳姿凝白澹竚新粧淺點壽
陽宮額東君想畱春意倩季季與傳消息昨夜前村
雪裏一一一一一念故人何處水雲隔縱驛使相

逢難一春一試一青手是怎生描得曉來一番雨
過更那堪一笛歸去和羨未晚勸行人休摘

絳都春

劉鼎臣妻

寒陰漸曉報驛使探春南枝開早粉蕊弄香芳臉凝
酥瓊枝小雪天分外精神好向白玉堂前應到化工
不管朱門閉也暗傳音耗 輕渺盈盈鬢稱嬌面愛
學宮粧新巧幾度醉吟獨倚欄杆黃昏後月籠疎影
橫斜照更莫待單于吹老便須折取歸來膽瓶插了

玉燭新

周美成

溪源新臘後見數朶江梅剪裁初就暈酥砌玉芳英
嫩故把春心輕漏前村昨夜想弄月黃昏豈候孤岸
峭疎影橫斜濃香暗沾襟袖樽前付與多才間嶺
外風光故人知否壽陽謾聞終不似照水一枝清瘦
屈嬌雨秀好亂插繁花盈首須信道羌笛無情看看
又奏

卜陸龜

孫濟師

一聲九笛

溪半夜梅翻雪江月正茫茫斷

橋流水香

含章春欲暮落日千山雨一點着枝酸

吳姬先齒寒

減字木蘭花

胡仲平

天然標格不問青枝和綠葉彷彿吳姬酒暈無端上
玉肌怕愁貪睡誰會傷春無限意乞與徐熙画出
橫斜竹外枝

同前

蘭凋蕙歇野店酒初嘗竹葉絕艷幽姿洗出鉛華見
雪肌 雲堦月地憑仗幽人須着意一夜花飛一點
微酸已着枝

花犯

周美成

粉墻低梅花照眼依然舊風味露痕輕綴疑淨洗鉛
華無限佳麗去季勝賞曾孤倚冰盤共宴喜更可借
雪中高樹冰蕚薰素被 今季對花最匆匆相逢似
有恨依依愁悴 三
又青苔上旋看飛墜相將見脆

圓薦酒人正立空江烟浪裏但夢想一枝瀟灑黃昏
斜照水

減字木蘭花

馬瓊瓊

雪梅妬色雪把梅花相抑勒梅性溫柔雪壓梅花怎
起頭 芳心欲訴全仗東君來作主傳語東君早與
梅花作主人

浣溪沙

朱朝端

梅正開雪正狂兩般幽韻孰優長且宜持酒細端

詳梅比雪花多一出雪如梅
葢少些香花公非是不
思量

滿庭芳

一種陽和玉英初綻雪天分外精神
冰肌玉骨別是一家春樓上笛聲三弄
百花都未知音明凶畔臨風對月曾結
歲寒盟笑杏花句不晚遲疑不發等待
春深只宜遠望舉目似燒林麗質芳姿
雖好一畝取媚東君爭如我畫青結子
金鼎內調羹

聲聲慢

欺寒衝暖占早爭先江南又報南枝
暗香疎影偏空映月臨池天然素肌
瑩骨笑等閒紅紫芳菲勞夢想正玉人
嬌困弄粉粧遲長恐行歌聲斷猶堪恨
無情塞管輕吹寄遠叮嚀折贈隴首相
思前村夜來雪裏滯東君須索饒伊爛
熳也算百花猶自不知

又

嚴凝天氣近臘肯節寒梅暗綻疎枝
素艷瓊苞盈盈

掩映亭池雪中欺寒探暖替東君先報芳菲暗香遠
把荒林幽圃景致粧遲 別是一般風韻超羣卉不
待淡蕩風吹雅態隼容特地惹起相思折來画堂宴
賞向樽前吟味憐伊漸開盡算閑花野艸怎知

又

寒應消盡麗日添長百花未敢先拆冷艷幽香分過
溪南春色初凝旋成素蕊向碧瓊枝頭勻滴暗腸斷
怕韶華三弄雪映溪側 應是酒闌人靜香散處惟

見玉肌冰格細細疎風情態爲誰脉脉芳心向人似
語也相憐風流詞客待宴賞伴嬌娥和月共摘

漢宮春

梅萼知春見南枝向暖一朵初芳冰清玉麗自然賦
得幽香烟庭水樹更無花爭染春炎休謾說桃夭杏
冶季季蝶鬧蜂忙 立馬竚凝情久念美人自別鱗
羽茫茫臨岐記伊尚帶宿酒殘粧雲疎雨濶怎知他
千里思量除是託多情驛使慙慙折寄仙鄉

又

雪打風摧正籬枯壁盡却有寒梅衰柳敗蒲碍眼喜
見芳蕾江村路曲問青帘與酌餘醅須憑取東君爲
我一枝先寄春來 寂寞槿門牛巷有清香自倚不
怕低回終須會逢賞目徒步移栽孤芳素艷敢煩他
蜂蝶相陪偏愛有春風新浥回肯不放花開

又

點點江梅對寒歲強出一弄新奇零珠碎玉爲誰密

上南枝幽香冷詭縱孤高却遣誰知惟只有江頭驛
畔征鞍獨爲遲 聊撚粉香重閣問春來甚日春
去何處移將院落笑應未肯頭低無人共折傍溪橋
雪壓霜欺君不見長安陌上只誇桃李芳菲

又

張子野

紅粉苔牆透新春消息梅蕊先芳奇葩異卉漢家容
額塗黃何人闔巧運紫檀剪出蜂房應爲是中央正
色東君別與清香 仙姿自稱霓裳更孤標俊格霏

雪交霜黃昏院落爲誰密解羅囊銀餅注水浸數枝
小閣幽牕春睡起纖條在手厭厭宿酒殘粧

江梅引

年年江上見寒梅幾枝開暗香來疑是月宮僊子下
瑤臺冷艷一枝雖在手斷魂遠相思切寄與誰 怨
極恨極嗅玉蕊念此情家萬里暮霞散綺楚天外幾
片斜飛爲我多情特地點征衣我已飄零若又老正
心碎那堪聞寒管吹

笛慢

晁次膺

夜來深雪前村路應是早梅初綻故人贈我江南春
信南枝向暖疎影橫斜暗香浮動月明清淺向亭邊
驛畔行人立馬頻回首空腸斷 別有玉溪僊館壽
陽粧初勻粉面天教占了百花頭上和羨未晚敢是
傷情處高樓上一聲羌管仗誰人說與爭如畱取倚
欄杆看

又

雪霏水結霜疑是誰透得春工意南枝向暖江邊嶺
上獨先衆卉閒態幽姿綠窗紅蒂粉英金盞念水膚
秀骨人間要見除非是真僊子 羌管且休橫吹待
佳人新粧初試鸞臺曉鑑人花相對何須更比疎影
橫斜暗香浮動月低風細又豈知漸結枝頭翠玉有
和羨美

又

孔方平

歲窮風雪飄零至迷萬里雲垂凍紅綃碎剪疑酥繁

綴煙深霜重疎影沉波暗香和月橫斜浮動悵別來
欲把芳菲遠寄還羌笛吹三弄 寂寞玉人睡起汚
殘妝不勝嬌鳳盈盈山館紛紛客路相思誰共才與
風流賦稱清艷多情惟宋筭囊玉在 被梨花瘦損又
成春夢

又

去年今日關山路疎雨斷魂天氣據鞍驚見梅花的
皜籬邊水際一枝折得雪妍水麗風梳雨洗正水村

山館倚闌愁。多少春情意。好是孤芳莫比。自不
分歌梁舞地。砌香砌影。高禪文友。清談相對。琴韻初
調茗。甌催滌。爐薰欲試。向此。昔一段風流。付與。晉人
標致。

又

孔處度

數枝凌雪。垂冰嫩。英半吐。瓊酥點。南州故苑。何郎遺
詠。風臺月觀。疎影橫斜。暗香浮動。水寒雲晚。笑浮花
浪。蕊嬌春。萬重空零落。愁鶯燕。遊子寂寞。暮景向

天邊幾回相見。玉人纖手。慙慙攀贈。欲行微盼。越使
歸來。漢宮妝罷。昭華流怨。念湘江。夢杳窗前。疑是此
情何限。

又

淡煙池館。霜飈乍緊。又是季華暮。黃花老盡。丹楓舞
困。江梅初吐。點綴南枝。暗傳春信。玉苞微露。凭危欄
望斷。誰家素臉。遙山遠。空疑竚。昨夜一枝。開處正
前村。雪深幽。著看來。只恐瑤臺雲散。玉京人去。庾嶺

寒餘漢宮妝曉飛堆行雨仗誰人惜取孤芳雅致作
春炎主

念奴嬌

李久善

東君試手向南枝着意爭先肯節縱有丹青誰便忍
輕點肌膚水雪色借瓊瑰香分蘭麝先自標孤潔衝
寒獨秀悞他多少蜂蝶 縞練不染緇塵算來合是
廣寒宮闕未問陽和先占取前村一溪風月畱取清
芬主張真態驛使休輕折梢頭青子異肯風味甚別

又

見梅驚喚問經年何處收香藏白似語如愁却問我
何苦紅塵久客觀裏栽桃仙家種杏總是成疎隔千
林無伴淡然獨傲霜雪 且與管押春回孤標爭接
雄蜂雌蝶豈是無情知受了多少淒涼風月寄隴人
遙和羨心在忍使芳菲歇溪邊憔悴可憐爲誰攀折

又

雨肥紅綻把芳心輕吐香噴清絕日暮天寒獨自倚

脩竹水清玉潔待得春來百花若見掩回應羞殺當
風抵雨犯寒剛怕吹霎 瀟灑愛出牆東途中遙望
已慰人心思渴闌壓闌干人面共花面難分優劣嚼
蕊尋香凌波微步雪沁吳綾襪玉纖折了帶人須要
斜挿

又

片帆暮落正前村梅蕊愁人如雪南陌西溪長記得
疎影橫斜肯節六出水姿玉人微步笑裏輕輕折蘭

房沉醉暗香曾共私竊 回首萬水千山一枝重見
處離腸千結料想臨鶯消瘦損時把啼紅偷浥怎得
伊來許多幽恨共撚青梢說如今千里斷魂空對明
月

又

問梅何事對嚴冬微笑暗中輕馥韻絕姿高直下視
紅紫端如童僕遶樹千回臨風三嗅待與論心曲何
人還解爲伊特地青目 瀟灑些箇精神誰憐孤瘦

正無語幽獨不許春知應自負一生風月心足傲雪
難陪欺寒無伴耿耿橫脩竹紛紛桃李盡向後塵爭
逐

又

天然瀟灑盡人間無物堪齊標格只與姮娥爲伴侶
方顯一家顏色好是多情一年一度首作東君客竹
籬茅舍丰標別是清白 惆悵玉杵無憑藍橋人去
空鎖神仙宅今日天涯慙馬上忽見輕盈水魄恰似

當年溫柔鄉裏曉看新粧額臨風三嗅挽條不忍空
摘

又

歲華漸杪又還是春也難禁愁寂欲探疎梅獨自箇
尋訪山村水驛路轉溪斜竹低墻短應是瑤姬宅玉
筵不動月輪寒浸國色 回首故國風光只因清好
重作江南客堪笑廣平爭解我羈旅芳心脉脉不借
鉛華枝頭雪霽愈見香肌白高樓且住恁是一弄羗

笛

又

蘭枯蕙死向竹齋深處誰傳消息霜雪叢中渾似箇
縹緲吳人標格絳萼微深瓊苞不露自與塵凡隔黃
昏遙見一枝烟淡龜白 曾記霧閣雲窗輕飛香篆
佳句應難得道韞能文終未勝瀟灑風流姿質到待
春來滿城桃李相竝無顏色殷勤祝付画樓休品長
笛

花心動

劉無言

偏憶江梅有塵表丰儀世外標格低傍小橋斜出疎
籬似向隴頭曾識暗香孤韻冰霜裏初不怕春寒要
勒問桃李盈門怎生向前爭得 省共蕭娘去摘玉
纖映瓊枝照人一色淡粉暈酥多少工夫到得壽陽
宮額再三畱待東君管都將別花不惜但只恐高樓
又三弄笛

又蠟梅

王晉卿

春欲來時看雪裏新梅品流珍絕氣韻楚江顏色中
央數朶巧鎔香蠟嫩苞珠淚圓金燭嬌腮潤蜂房微
缺画闌梢佳人道粧醉吟風月 淡白輕紅謾說筭
何事東君用心偏別賦與異姿添與清香堪向苦寒
時節但教開後金樽滿休惆悵落時歌闕斷腸也繁
枝爲誰贈折

賞南枝

暮冬天地閉正柔木凍折瑞雪飄飛對景見南嶺梅

露幾點清雅容姿丹染萼玉綴枝又豈是一陽有私
大抵化工獨許使占却先時 霜威莫苦凌恃此花
根性想群卉爭知貴用在和羹三春裏不啻綠是紅
非攀賞處宜酒卮醉撚嗅幽香更奇倚闌干何人去
囑羌管休吹

洞庭春色

絳萼欺寒暗傳春信一枝乍芳向籬邊竹外前村雲
裏青梢猶瘦疎影溪傍惹露和煙凝酥艷似瀟灑玉

人初試粧江南路有多情竚立迴盡柔腸 倚樓最
難忘處正皓月千里流光縱廣平心勁難思麗句少
陵詩興猶夢清香休恠東君先畱意問他日和羨誰
又強還輕許笑凌空檜影松蔭交相

孤鴈兒

李易安

藤床紙帳朝眠起說不盡無限佳思沉香烟斷玉爐
寒伴我情懷如木笛聲三弄梅心驚破多少春情意
小風疎雨蕭蕭地又催下千行淚吹蕭人去玉樓

空腸斷與誰同倚一枝折得人間天上沒箇人堪寄

沁園春

山驛蕭疎水亭清楚仙姿太幽望一枝穎脫寒林外
爲傳春信風定香浮斷送炎陰還同昨夜葉落從知
天下秋憑欄處對水肌玉骨姑射來遊 無端品笛
悠悠似怨感長門人淚流奈微酸已寄青青杪助當
年商鼎調羹和酬樵嶺漁橋依稀精彩又何藉紛紛
俗士求孤標在想繁紅闌紫應與包羞

真珠髻 紅梅

重重山外萼萼流炎又是殘冬時節小園幽徑池邊
樓畔翠木嫩條春別纖蕊苞輕粉萼染猩猩鮮血乍
幾日好景和風次第一齊催發天然香艷殊絕比
成雙皎皎倍增芳潔去年因遇東歸使指遠恨意曾
攀折豈謂浮雲始終不放滿枝明月但歡賞時飲金
鍾更遶叢叢雪

遠朝歸

趙耆孫

金谷先春見正開江梅玉膩珠簾院落人靜雨疎煙
細橫斜帶月又別般風味金樽裏任遺英亂點殘粉
低墜惆悵杜隴當年念水遠天長故人難寄山城
倦眼無緒更看桃李當昔醉魄筭依舊徘徊花底斜
陽外謾回首画樓十二

又

新律纔交見南枝朱污粉膩煙籠淡粧恰值雨膏初
細而今看了記他日酸甜滋味多應是伴玉簪鳳釵

低揜斜墜 迤邐對酒當歌春戀得芳心竟日何際
春光付與尤是見欺桃李叮嚀寄語且莫負樽前花
底併沉醉儘銅壺漏傳三二

擊梧桐

雪葉紅凋煙林翠減獨有寒梅難並瑞雪香肌碎玉
奇姿迥得佳人風韻清標暗折芳心又是輕洩洛南
春信最好山前水畔幽閑自有橫斜疎影 盡日凭
欄尋思無語可惜颺瓊飛粉但悵望王孫未賞空使

清香成陣怎得移根帝苑開時不許衆芳近免教向
深巖暗谷結成千萬恨

泛蘭舟

霜月亭亭時節野溪開水灼故人信付江南歸也仗
誰托寒影低橫輕香暗度疎籬幽院何在秦樓朱閣
稱簾幕 携酒共看依依承醉更堪作雅淡一種天
然如雪綴烟薄腸斷相逢手撚嫩枝追思渾似那人
淺粧梳掠

十月梅

千林凋盡一陽未報已綻南枝獨對霜天冒寒先占
花期清香映月浮動臨淺水疎影斜欹孤標不似綠
李夭桃取次成蹊 縱壽陽粧臉偏宜應未笑天然
雅態水肌寄語高樓凭欄羞管休吹東君自是爲主
調鼎萬終付他時從今點綴百草千花須待春歸

驀山溪

洗粧真態不在鉛華御竹外一枝斜想佳人天寒日

暮黃昏小院無處着清香風細細雪重重何况江頭
路 月邊疎影夢到銷魂處結子欲黃時又須着
纖細雨孤芳一世供斷有情愁消瘦損東陽也試問
花知否

又

水肌玉骨不與凡花數一點破清香這心情更誰爲
主愁春歸晚時被雨蕙纖瓊枝上淚淋浪似恨孤芳
處 幽姿標格獨向江頭路擬待使君來把芳心叮

嗚分付疎籬菊舍回首試輕辭爭遠望嫁東風對玉
堂同處

又

梅傳春信又報年華晚昨夜半開肯似雪到梢頭未
遍疑酥綴粉綽約玉肌膚香黯淡月朦朧誰是黃昏
伴故園深處想見孤根暖千里未歸人向此際只
回淚眼憑誰爲我折寄一枝來凝睇久俯層樓忍更
聞羌管

又

寶月

清江平淡疎雨和烟染春在廣寒宮付江梅先開素
艷年年第一相見越溪東雲體態雪精神不把年華
占山亭水榭別恨多銷黯又是主人來更不辜香
心一點題詩才思清似玉壺冰輕回顧落樽前桃杏
聲華減

又

素苞淡注自是東君試占斷隴頭先正雪裏前村獨

步一枝竹外日暮怯輕寒山色遠水聲長寂寞江頭
路小橋斜渡人靜銷魂處淡月破黃昏影浮疎清
香暗度竹籬苑舍斜倚爲誰愁應有恨負幽情惟恐
風姨妬

又

沙塘水淺又一番春信玉體不知寒襯脩篁幾苞隱
映幽香荏苒不讓麗萼微雪月冷漫漣漪雲斷清香
影朱扉深處謝絕塵埃境百草未開花惘然教伊

成另東風世態只戀碧桃枝向玉管且休吹免使成
遺恨

又

前村昨夜先報春消息瘦嶺一枝開見行人頻頻顧
惜東君布巧粧盡似裁白疎竹外小溪邊雪裏藏春
色朔風吹綻不假和風折根暖獨亭嘉向百花頭
先占得高樓羌笛且勸莫悽然協帝夢起商巖須盡
調羹力

又

冰肌玉骨不假鉛黃借豈是占年芳又只恐嫌春不
嫁十分清瘦可嚙有閑愁沙路晚雪村晴半幅江南
画 林間繫馬曾憶關山夜醉袖惹香歸悞幾回燈
前嬌稚如今老矣無計奈春何人去後獨來時風月
閑亭榭

又

前村雪裏度一枝春信况自占年芳淡梳粧常嫌傳

粉櫻脣輕棒何似鶴頭紅香陣陣迴輿認摘有金卮
醞 佳人嗅處微把香塵噴懊惱故無言使人重重
再問它年寄與惟有隴頭人春未困香尤嫩好與添
風韻

又

郊居牢落一水流清淺憶得去年冬數枝梅低臨水
畔今朝重見把酒祝東風和雪看整疑眸宛若江南
岸 浮生瞥爾勸汝休嗟嘆不覺失芳心柳腰纖

纖

換一朝光景休凭作
渾閑春不遠且追遊
又辨尋芳宴

又

重黎默運可意繁
人處清楚玉麤仙
獨幽棲村溪月
塢水腮霧髻佳致
在西湖月出早雪
消遲立馬紅墻
序 寒梢微萼點
點蠅頭許欲露小
檀心似生怕施
朱紅紫返魂香細
堪弔獨醒人臨澤
國襲清風且詠
離騷句

又

前村雪裏漏洩春
光早似待故人來
束芳心幽香未
老溪邊昨夜雨過
却參橫雲旖旎玉
玲瓏不遣纖塵
到 無情有意寂寞
誰知道幽夢覺來
時淡無言風
清月瞭何郎去後
憔悴少新詩空悵
望倚樓人玉笛
霜天曉

又

竹籬茆舍底是藏
春處玉蓓鎖檀心
帶黃昏輕煙細

雨神清骨瑩端似雪堂仙臨歲晚傲寒威寂寞江村
侶 瓊林閨苑有信終歸去冷暖笑凡情辨南枝北
枝幾許靄芳絕艷知肯爲誰容東閣裏西湖畔總與
花爲主

又

歲寒遼邈望斷江南信墻外一枝斜對蘭堂綺羅隱
映水清月淡疑是壽陽妝煙浪急小橋橫點點疎清
影 天姿瀟灑不減瑤臺韻占斷玉樓春被松筠笑

他孤另幽人何在無處覓餘寒疎雨過淚痕深在
了 衷腸恨

又

危欄獨倚往事思量迴回首掩朱扉歛雲鬟閑拈針
線輕羅碎剪縫箇小梅花燈閃閃夜沉沉玉指輕輕
撚 寒苞素艷渾似枝頭見半稍與初開諠贏得江
南手段玉冠斜挿惟恨見清香風動處月明時不怕
吹羌管

又

周忘機

江南春信望斷人千里魂夢入花枝染相思同心並
蒂鴛鴦名字贏得一雙雙無限意凝烟水念遠教誰
寄毫端寫興莫把丹青擬墨客要卿卿想臨池等
閒梳洗香衣黯淡元不浣緇塵憐綳袂東風裏只恐
十飛起

又画梅

孤村冬杪有景真堪画苑舍遊疎籬見一枝寒梅瀟

灑欲將詩句擬待說包容辭未盡意悠悠難把精神
寫臨溪疎影都是前人話此外更何如更須索良
工描下明窗淨几長做小圖看高樓笛儘放吹不怕
隨聲謝

又蠟梅

費時舉

黃苞初綻誰向江頭寄天賦與清香笑紅顏呈嬌逞
媚低垂花面不與衆爭妍南枝木先辭產獨稟中央
氣何須施巧點綴芳叢裏只恐暗尋香誤蜂兒歸

來故壘玉纖折處金釧色相空朔風寒空雪墜痛賞
休辭醉

又

梅梢破萼已見春心了別有淡容儀又不與嫣然同
笑東風剪蠟簇作鬧蛾兒水未泮水猶寒散在千林
表輕衫小帽行盡荒山道一點麝臍香惱着人多
多少少月斜門掩消損怕黃昏清影亂翠幃深且喜
歸來早

又蠟梅

小山蒼翠竹影橫窓畔青縷斷薰爐覺身居風臺月
觀清香相近誰爲植幽叢金作蒂蕾成花尙帶鴉黃
淺漢宮半額未許人間見不比嶺前梅問無因天
高水遠空煙宜雨淡淡一枝春乘好興綴新詩只恐
永生硯

又

江南春信已過長安路柳眼尙貪眠又爭知先傳春

去東風漏洩休更殢垂楊深雪裏一枝開誰占先春
處當昔馬上回首曾疑顧水淺月黃昏倚瓊枝誰
家亭戶一聲羌管遺恨到如今憑欄處賞花昔莫使
花輕負

又野梅

當昔曾見上苑東風暖今歲却相逢向煙村亭邊驛
畔垂鞭立馬一餉黯無言江南信壽陽人悵望成腸
斷瓊粧雪綴浦野空寒亂誰是倚欄杆更那堪胡
笳羌管疎枝殘蕊猶懶去嬌春水清淺月黃昏冷淡
從來慣

梅花引

劉均國

千里月千山雪梅花正落寒時節一枝昂一枝藏清
香冷艷天賦與孤光孤光似被珠簾隔風度煙遮好
顏色粉垂垂玉纍纍先春挺秀不啻百花知似霜
結與霜別莫使幽人容易折短牆邊矮窗前橫斜峭
影重疊鬪嬋娟黃昏聽樓頭角只恐聽時零亂落

醉來看醒來看縈絆麗人瀟灑倚欄杆

又

園林靜蕭索景寒梅漏泄東君信探春回探春回四
昔却被伊家苦相催江村畔爛熳看看又近年炎晚
綻芬芳噴清香壽陽宮裏愛學靚梳妝天桃紅杏
誇顏色爭似情懷雪中折謂嚴寒遊蜂戲蝶莫作等閒
閒看故人別後知何處春色嶺頭逢驛使贈新詩折
高枝樓上一聲羌管不須吹

綠頭鴨

歛同雲破臘雪霽前村占陽和孤根先暖數枝已報
新春姤青姑謾同素質笑姑射難並天真疎影橫斜
澄波清淺暗香浮動月黃昏山驛畔行人立馬回首
幾銷魂江南遠隴使趨程踏盡冰痕有箇人人玉
肌偏似移我常對金樽撚纖枝鬢邊斜戴嗅芳蕊眉
暈潛分素臉籠霞香心噴日壽陽妝罷酒初醒待調
鼎須貪結子忍見落紛紛霜天曉會聞画角聲斷誰

門

金盞倒垂蓮

依約疎林見盈盈春意幾點霜蕤應是東君試手作
芳菲粉面倚天風微笑是日暖雪已晴時人靜么鳳
翩踏碎殘枝 幽看渾無着處湛一般雨露獨占清
奇淡月疎雲何處不相宜百上報春來也但綠暗青
子離離桃杏應仗先容次第追隨

梅香慢

高閣寒輕映萬朵芳梅亂堆香雪未待江南早冠百
花先占一陽佳節剪綵凝酥無處學天然奇絕便壽
陽妝工夫費盡艷姿終別 風裏弄輕盈掩珠英明
瑩待臘飄烈莫放芳菲歇總求宵歡賞酒酣吟折倒
玉何妨且聽取鐔前新闕怕笛聲長行雲散盡謾悲
風月

罨馬索

曉窗明庭外寒梅向殘月吳溪庾嶺一枝偷把陽和

洩水姿素艷自然天賦品格真香殊常別奈北人不
識南枝喚作臘前杏先發 奇絕照溪臨水素禽飛
下玉羽瓊芳闔清潔懊恨春工來何晚傷鄰婦爭先
折多情立馬待得黃昏踈影斜斜微酸結恨馬融一
聲羌笛起處紛紛落如雪

上林春

曾公衮

東苑梅繁豪家放樂醉倒花前狂客靚妝微步攀條
弄粉凌波遍尋青陌暗香墮壓更飄近霧鬟蟬額倒

金荷念流光易失幽姿堪惜 惜花心未甘鬢白南
枝上又見尋芳消息舊游回首前懽如夢誰知等閒
拋擲稠紅亂葢漫開遍楚江南北獨消魂念誰寄故
園春色

雨中花

夢破江南春信漸入江梅暗香初發乞與橫斜踈影
爲憐清絕梁苑相如平生有賦未甘華髮便廣寒爭
道韶華驚怨詎妨輕折 揚州二十四橋歌吹不道

画樓聲歇生怕有江邊一樹要堆輕雪老去苦無歡
事凌波空有纖襪恨無好語何卽風味定教誰說

早梅芳

水唯清玉唯潤清潤無風韻此花風韻自然清潤傳
香粉故應春意別不使凡英限到春前臘後長是寄
芳信 此情閑此意遠一點繫方寸風亭水館解與
行人破離恨廣寒宮未有姑射仙曾認向雪中月下
吟未盡

婆羅門

江南地暖數枝先得嶺頭春分付似剪玉裁冰素質
偏憐勻淡羞殺壽陽人等多情畱意偏在東君暗香
旋生對淡月與黃昏寂寞誰家院宇斜掩重門墻頭
半開却望雕鞍無故人斷腸處容易飄零

江神子

晁無咎

去季初見早梅芳一春忙短紅墻馬上不禁花惱只
顛狂蘇晉長齋猶好事嘗喚我舉離觴 今季春事

更茫茫淺宮妝斷人腸一點多情無與國中香賴有
飛鳧賢令尹同我過小橫塘

又

鄧冲宣

臘寒猶重見年芳爲花忙倚雕墻準擬巡簷一笑但
清狂冷蕊疎枝渾不奈憑折取泛清觴揚州春夢
雨微茫記娥妝耿裏腸春信全通何用玉奩香誰見
月斜人去後疎影亂蘸寒塘

踏青遊

趙溫之

竹外溪邊一枝破寒衝臘瑩素肌玉雕冰刻賦閑標
足餘韻豈同常格最風流生來處處盡好別得造化
工力疎影幽香意思迥然殊絕笑不枉詩人分別
凍雲深涼月皎愈增清冽大瀟灑尤得靜中雅趣不
許鶯樓燕歇

又

嶺上梅殘堤畔柳眼嬌小縱數枝橫烟臨沼旣入雅
且穠麗繁而不擾冒寒來遊蜂戲蝶尚阻年年占得

春早 淡白輕紅清香暗芳道更惜與碧天如掃魏
臺妝吳姬神妖妍多少爲傳語無言分付 桃李不
比閑花浪艸

念奴嬌

江南盡處墮玉京仙子絕塵英秀彩筆風流偏解寫
姑射冰姿清瘦笑殺春工細窺天巧妙絕應難有丹
青圖畫一肯都愧凡陋 還似籬落孤山嫩寒清曉
祇欠香沾袖淡竚輕盈誰付與弄粉調朱纖手疑是

花神謁來人世占得佳名久松篁佳韻倩君添做三

友

又

疎疎淡淡問阿誰堪比太真顏色笑殺東君虛占斷
多少朱朱白白白雪裡溫柔水邊明秀不借春工力骨
清香嫩迥然天與奇絕 嘗記寶籞寒輕瑣窗睡起
玉纖輕摘漂泊天涯空瘦損猶有當年標格萬里風
烟一溪霜月未怕欺他得不如歸去闌風有箇人惜

又

未須草草賦梅花多少騷人詞客總被西湖林處士
不肯分畱風月疎影橫斜暗香浮動把斷春消息試
將花品細參今古人物 看取香月堂前歲寒相對
楚龔之潔自與詩家成一種不係南昌仙籍怕是當
年香山老子姓名來江國謫仙人字太白還又明白
又
是誰調護歲寒枝都把蒼苔封了蒨舍疎籬江上路

清夜月高山小模索應知曹劉沈謝何況霜天曉
芬芳一世料君長被花惱 惆悵立馬行人一枝最愛
竹外橫斜好我向東隣曾醉裡喚起詩家二老拄杖
而今婆婆雪裡又識商山皓請君置酒看渠與我傾
倒

醜奴兒

年年索盡梅花笑疎影黃昏疎影黃昏香蒲東風月
一痕 清詩冷落無人寄雪艷冰魂雪艷冰魂浮玉

溪頭烟樹村

